




VODIČ ZA BRUCOŠE

Filozofskog fakulteta Univerziteta u Tuzli

AKADEMSKA 2025/2026. GODINA



Sadržaj

4 Kako koristiti vodič

5 Dobrodošlica dekana

6 Tvoja prva sedmica: šta trebaš znati

Index FF 2025: prvi dan studija

Plan predavanja i vježbi: raspored nastave

Prostorije za nastavu: mjesta učenja

Način studiranja: sistem rada

Mapa puta: šta je silabus?

Silabus: preporuke i savjeti

Prouči silabus: ključne sekcije

Upoznaj fakultet: tvoja druga kuća

Pristup e-servisima: aktiviraj IT nalog

16 Tvoj prvi mjesec: šta trebaš znati


Savjet#1: organizuj vrijeme

Savjet#2: redovno prisustvo

Savjet#3: prvi zadaci

Savjet#4: akademski stil

Savjet#5: popuni indeks



22 Tvoja prva godina: šta trebaš znati

Akademski kalendar: važni datumi

Značaj konsultacija: akademska podrška

Metode učenja: pronajdi svoj stil

Kolokviji i ispiti: uči na vrijeme

Programi razmjene: informiši se

Studentske asocijacije: pridruži se

Hobi i lični razvoj: sportske aktivnosti

Centar za ples i rekreaciju

Prvi mjesec besplatno: plesni kutak

32 Tvoj izvor znanja: biblioteka

33 Studentska služba

34 Etički kodeks: prava i dužnosti

35 Otkrij grad iz studentske perspektive

Oktobar: događaji u Tuzli

Istraži Tuzlu

Nevladine organizacije: volontiranje

Podrška studentima: stipendije


42 Kontakti

KAKO KORISTITI VODIČ

Ovaj vodič je napravljen da ti pomogne da se brzo snađeš u prvim sedmicama na fakultetu. Kratak je, pregledan i možeš ga otvoriti kad god ti zatreba.

EVO nekoliko savjeta:

- Sačuvaj vodič na svom mobitelu, tabletu ili laptopu
- Ne moraš ga pročitati odmah od početka do kraja, čitaj onim redoslijedom koji ti odgovara
- Otvori ga kad ti zatrebaju praktične informacije o fakultetu
- Klikni na sadržaj i dobit ćeš direktan pristup svakoj sekciji
- Koristi pretragu po ključnim riječima da brže pronađeš ono što te zanima
- Poveži se putem linkova ili QR kodova na dodatne materijale



Tip za brucoše: najviše ćeš izvući iz vodiča ako ga povežeš sa stvarnim iskustvima – pročitaj savjet, a zatim ga odmah isprobaj u praksi.



Klikni **OVDJE** za povratak na **SADRŽAJ VODIČA**.

Dobrodošlica dekana

Drage studentice i studenti,

dobro došli na Filozofski fakultet Univerziteta u Tuzli!

Naš fakultet je već decenijama mjesto gdje se razvijaju društvene i humanističke nauke, gdje se njeguje znanje, kritičko mišljenje i kultura dijaloga.

Od svog osnivanja, Filozofski fakultet je bio centar obrazovanja, istraživanja i saradnje, a danas vam nudi raznovrsne studijske programe, savremene metode nastave i podršku profesora i saradnika. Ovdje ćete pronaći priliku da izgradite znanja i vještine potrebne za društvo budućnosti, ali i postanete dio zajednice koja njeguje vrijednosti akademske slobode, odgovornost i solidarnosti. Želim vam uspješan početak studija, mnogo novih prijateljstava i inspiracije na svakom koraku.

Dobro došli u našu akademsku zajednicu!

Prof. dr. Sead Nazibegović, dekan




Tvoja prva sedmica: ŠTA TREBAŠ ZNATI

Prvih sedam dana donosi mnogo novih informacija. Normalno je da se osjećaš pomalo izgubljeno. Ovaj dio vodiča pomaže ti da brzo uhvatiš ritam, pronađeš učionice, razumiješ silabus, aktiviraš IT nalog i iskoristiš dostupne resurse. Čitaj redoslijedom koji ti odgovara. Vraćaj se kad god ti nešto zatreba.

PRVI KORACI koje trebaš savladati:

- Mjesto susreta i okupljanja brucoša tokom prvog dana
- Raspored, prostorije za nastavu i sistem rada
- Razumijevanje kursa (silabus, teme, literatura)
- Upoznavanje sa Fakultetom
- Aktiviraj svoj IT nalog



Tip za brucoše: napravi mini plan za sedmicu, zapiši gdje su prve učionice i dodaj podsjetnike u svoj kalendar.



Klikni **OVDJE** za povratak na **SADRŽAJ VODIČA**.


Index FF 2025:

PRVI DAN STUDIJA

Prijem brucoša na Filozofskom fakultetu pod nazivom “Index FF 2025” tvoj je prvi zvanični korak u akademsku zajednicu. To je prilika da upoznaš kolege, nastavnike i prostor u kojem ćeš provesti naredne godine.

ŠTA te očekuje:

- Okupljanje ispred fakulteta (doček starijih studenata, paket dobrodošlice i fotografisanje ispred panoa)
- Svečani prijem u amfiteatru (pozdravi dekana, profesora i studenata, prigodni kulturni program, pokloni sponzora)
- Zajednička fotografija svih brucoša
- Brunch uz druženje
- Radionice na matičnim odsjecima (kako koristiti digitalnu platformu i biblioteku, te korisni savjeti za učenje)
- Obilazak fakulteta i neformalno druženje sa starijim kolegama



Tip za brucoše: Dodite malo ranije kako biste imali više vremena za upoznavanje kolega i fotografisanje prije početka svečanog dijela.



Klikni **OVDJE** za povratak na **SADRŽAJ VODIČA**.


Plan predavanja i vježbi

RASPORED NASTAVE

Prvog dana brucoši dobijaju sve informacije o rasporedu od svojih voditelja odsjeka. Tokom obilaska fakulteta pokazat ćemo vam oglasne ploče na kojima su izloženi aktuelni rasporedi. Raspored je dostupan i online na web stranici Filozofskog fakulteta u Tuzli (www.ff.untz.ba).

ŠTA sadrži raspored:

- Naziv predmeta
- Satnica održavanja
- Broj učionice
- Vrsta nastave
(predavanja ili vježbe)
- Ime nastavnika i saradnika



Tip za brucoše: zabilježi u bilježnicu ili preuzmi na mobitel raspored nastave i odmah unesi termine u svoj digitalni kalendar.



Klikni **OVDJE** za povratak na **SADRŽAJ VODIČA**.


Prostorije za nastavu

MJESTA UČENJA

Nastava se izvodi u učionicama i amfiteatru raspoređenim na prizemlju, prvom spratu i u suterenu. Svaka učionica ima svoj broj, a tokom prvog dana stariji studenti i asistenti će vas povesti i pokazati gdje se nalaze prostorije za vaš odsjek.

VRSTE prostorija:

- Učionice (manje grupe, predavanja i vježbe)
- Amfiteatar (obično predavanja većih grupa)
- Studentski prostor (mjesto za druženje, neformalne razgovore i zajedničko učenje)



Tip za brucoše: napravi malu mapu sa brojevima učionica gdje ćeš pratiti nastavu, olakšat će ti snalaženje u prvim sedmicama.



Klikni **OVDJE** za povratak na **SADRŽAJ VODIČA**.


Način studiranja

SISTEM RADA

Studij na Filozofskom fakultetu podrazumijeva redovan dolazak na predavanja i vježbe. Predavanja obrađuju glavne teme i koncepte, a vježbe ih produbljuju kroz razgovor, analizu i primjere.

OSNOVNA pravila sistema rada:

- Dolazi na nastavu na vrijeme.
- Budi spreman i donesi potrebne materijale (bilježnicu, olovku, skriptu, knjige).
- Učestvuj aktivno u raspravi i postavlja pitanja.
- Poštuj kolege i nastavno osoblje.
- Pauze su predviđene između i tokom nastave.
- Redovno prisustvo olakšava polaganje kolokvija i ispita.



Tip za bruce: od prvog dana razvijaj naviku aktivnog slušanja i bilježenja ključnih pojmova, definicija i primjera.



Klikni **OVDJE** za povratak na **SADRŽAJ VODIČA**.


Mapa puta

ŠTA JE SILABUS?

Studij nije samo praćenje predavanja. Da bi napredovao, važno je da od početka razumiješ osnovne koncepte akademskog sistema nastave i znaš kako se tvoji predmeti organizuju. Svaki predmet izvodi se prema pažljivo osmišljenom silabusu.

SILABUS sadrži:

- pregled ključnih tema po sedmicama
- ciljeve i ishode učenja
- način polaganja ispita i kriterije ocjenjivanja
- spisak obavezne i dodatne literature
- broj sati predavanja, vježbi i ECTS kredita



Tip za brucoše: Silabus je tvoja mapa puta kroz akademske predmete. On ti pomaže da znaš šta se od tebe očekuje i kada.



Klikni **OVDJE** za povratak na **SADRŽAJ VODIČA**.


Preporuke i savjeti

SILABUS

Preuzmi sve silabuse svojih predmeta i sačuvaj ih na mobitelu ili laptopu. Prouči teme i ishode učenja pa napravi kratke bilješke o onome što te očekuje. Označi datume kolokvija, rokova i ispita u svom kalendaru. Vрати se silabusu tokom semestra jer je on tvoj vodič i podsjetnik. Ako ti nešto nije jasno i imaš dilema, pitaj profesora ili asistenta odmah u prvoj sedmici.

GDJE pronaći silabuse?

Sve silabuse možeš preuzeti sa web stranice Univerziteta u Tuzli [skeniraj QR kod].



Tip za brucoše: napravi folder „Silabusi“ na svom uređaju i organizuj fajlove po predmetima. Tako ćeš ih uvijek imati pri ruci.



Klikni **OVDJE** za povratak na **SADRŽAJ VODIČA**.

Prouči silabus

KLJUČNE SEKCIJE

Prva stranica silabusa (slika ispod):
ključni podaci o akademskom kursu

1

UNIVERSITY OF TUZLAUNIVERZITET U TUZLI

SYLLABUS

1. Puni naziv nastavnog predmeta:

SEVDALINKA

2. Skraćeni naziv nastavnog predmeta / šifra:

3. Ciklus studija:

1

4. Bodovna vrijednost ECTS:

3

5. Status nastavnog predmeta:

☐ Obavezni☒ Izborni

6. Preduslovi za polaganje nastavnog predmeta:

nema

7. Ograničenja pristupa:

(max. 150 karaktera)

8. Trajanje / semestar:

1

2

9. Sedmični broj kontakt sati:

9.1. Predavanja:

2

9.2. Auditorne vježbe:

0

9.3. Laboratorijske / praktične vježbe:

0

10. Fakultet:

Filozofski fakultet

11. Odsjek / Studijski program:

Bosanski jezik i književnost

12. Odgovorni nastavnik:

13. E-mail nastavnika:

23.09.2015UNIVERZITET U TUZLISYLLABUSStr. 1 / 4

Treća stranica silabusa (slika ispod):
metode učenja i provjera znanja

3

UNIVERSITY OF TUZLAUNIVERZITET U TUZLI

18. Metode učenja:

Rad na konkretnim tekstovima, interpretacija istih uz primjenu različitih teorijskih modela, kreiranje novih modela. Stilovi učenja: verbalni, logičko-teorijski, grupni i samostalni. Predavanja uz upotrebu multimedijalnih sredstava, tehnika aktivnog učenja i uz aktivno učeće i diskusije studenata. Auditivne vježbe. Priprema i izlaganje grupnih i individualnih seminarakih radova. Terenski rad.

19. Objašnjenje o provjeri znanja:

Nakon polovine semestra studenti pismeno polažu obrađeni dio gradiva (prva parcijalna provjera). Maksimalan broj bodova 25-30. Nakon završetka semestra pismeno se polaže preostali dio gradiva (druga parcijalna provjera), za koji takođe dobijaju 25-30 bodova.

Oni studenti koji uspiju na terenu doći do 'živih' tekstova ili izvedbi mogu dobiti maksimalno 30 bodova i to im zamjenjuje jedan dio ispita.
U sklopu predispitnih obaveza studenti su dužni izraditi individualni ili grupni seminarski rad, koji će obuhvatiti određenu tematiku iz sadržaja nastavnog predmeta. Seminarski rad se u elektronskoj formi predaje asistentu na pregled i ocjenu, a zatim se prezentira usmeno na seminarakim vježbama. U izradi i prezentaciji grupnog seminarakog rada učestvuju svi studenti grupe, čije učeće se valorizira pojedinačno. Za urađeni i prezentirani seminarski rad student može ostvariti od 0 do 10 bodova. Također, za kontinuiranu aktivnost na predavanjima i vježbama u toku cijelog semestra student može ostvariti od 0 do 10 bodova.
Završni ispit je usmeni, na kome se može dobiti 10-20 bodova.
Da bi student položio predmet mora ostvariti minimalno 54 kumulativna boda.

20. Težinski faktor provjere:

Ocjena na ispitu zasnovana je na ukupnom broju bodova koje je student stekao ispunjavanjem predispitnih obaveza i polaganjem ispita, a prema kvalitetu stečenih znanja i vještina, i sadrži maksimalno 100 bodova, te se utvrđuje prema slijedećoj skali:

Obaveze studenta Bodovi
Prisutnost na predavanjima 5
Prisutnost na vježbama 5
Aktivnost studenta 10
Seminarski rad 10
Pismene (predispitne) provjere 50-60
Završni usmeni ispit 10-20

2

UNIVERSITY OF TUZLAUNIVERZITET U TUZLI

14. Web stranica:

www.ff.untz.ba

15. Ciljevi nastavnog predmeta:

Sticanje znanja o
-specifičnostima sevdalinke kao sinkretičke forme,
-općekulturnom kontekstu u kojemu je nastajala sevdalinka,
-literarnim i muzičkim vrijednostima sevdalinke,
-specifičnostima terenskog istraživanja.

16. Ishodi učenja:

-samostalno analizirati književni tekst;
-identificirati određenu literarnu, teorijsku, folozofsku, kulturološku pojavu izolirano i u kontekstu;
-kategorizirati određene književnohistorijske, teorijske i druge pojave u odabranim tekstovima;
-procijeniti 'upotrebnu vrijednost' i primjenjivost književnokritičkih, teorijskih ili idejnih pristupa;
-raditi terenska istraživanja živa tradicije

17. Indikativni sadržaj nastavnog predmeta:

1. Žanrovski sistem usmene književnosti. Usmena lirika.
2. Najstariji zapisi i sakupljanje usmene lirike u BiH i okolini. Pjevačice/pjevači i kazivačice/kazivači.
3. Poetička svojstva sevdalinke: teme, motivi, stih i stil sevdalinke.
4. Sevdalinka u kritici.
5. Rukopisna zbirka Muharema Kurtagića.
6. Rad na tekstovima: ženska i muška imena.
7. Rad na tekstovima: motivi sunca, vode.
8. Rad na tekstovima: motivi cvijeća.
9. Rad na tekstovima: drugi motivi.
10. Rad na tekstovima
11. Rad na tekstovima
12. Rad na tekstovima

Druga stranica silabusa (slika iznad):
ciljevi, ishod i teme predmeta

4

UNIVERSITY OF TUZLAUNIVERZITET U TUZLI

21. Osnovna literatura:

Bošnjakova književnost u književnoj kritici, knjiga II, Sarajevo, 1998.
Maglajlić, Munib: Usmena lirika pjesma, balada i romana, Svjetlost, Sarajevo, 1992.
Antologija bošnjačke usmene lirike, priredio Munib Maglajlić, Alef, Sarajevo 1997.

22. Internet web reference:

http://sevdalinke.blogspot.com/
http://sevdalinke.com/

23. U primjeni od akademske godine:

2023/24

24. Usvojen na sjednici NNV/UNV:

(max. 10 karak.)

Četvrta stranica silabusa (slika iznad):
literatura za pripremu ispita




Klikni OVDJE za povratak
na SADRŽAJ VODIČA.

Upoznaj fakultet TVOJU DRUGU KUĆU

Filozofski fakultet će narednih godina biti tvoja druga kuća. Zato je važno da ga upoznaš i istražiš sam, sa svojim kolegama ili uz pomoć starijih studenata.

OBAVEZNO posjeti:

- biblioteku (za učenje, posuđivanje knjiga i korištenje e-resursa),
- studentsku službu (za ovjeru i upis semestara, dokumente, potvrde i administrativna pitanja),
- dekanat (uredi dekana i prodekana),
- studentsko udruženje (prostor gdje možeš pronaći podršku, druženje i uključiti se u rad asocijacije),
- knjiški kutak (prostor u suterenu, posebno mjesto za čitanje, razgovore i opušteno druženje).



Tip za brucoše: Nemoj čekati da ti neko pokaže sve, obiđi sam ili s prijateljima. To će ti olakšati snalaženje i pomoći da se osjećaš kao kod kuće.



Klikni **OVDJE** za povratak na **SADRŽAJ VODIČA**.


Pristup e-servisima

AKTIVIRAJ IT NALOG

Prvog dana dobit ćeš univerzitetski e-mail i pristup platformi Univerziteta u Tuzli. To je tvoj ključ za digitalni svijet studija: od komunikacije sa profesorima do prijave ispita i preuzimanja materijala.

ŠTA trebaš znati:

- **E-mail:** tvoj email imat će oblik ime.prezime@untz.ba, privremenu šifru dobijaš na uvodnom predavanju, koristi ga za sve zvanične obavijesti i provjeravaj ga svakodnevno.
- **eUniversity:** Platforma na kojoj prijavljuješ ispite, preuzimaš silabuse i edukacijske materijale te pratiš obavijesti; o korištenju ćeš dobiti obuku prvog dana.
- **Mreža:** Wi-Fi i WLAN su uglavnom otvoreni, a ako se traži prijava koristi svoj univerzitetski e-mail.



Tip za brucoše: napravi prečicu do e-maila i platforme eUniversity na svom telefonu, tako ćeš uvijek biti spreman.





Klikni OVDJE za povratak na SADRŽAJ VODIČA.

TVOJ PRVI MJESEC: ŠTA TREBAŠ ZNATI

Prvih trideset dana postavlja ritam tvog studija. Ovdje ćeš pronaći smjernice koje ti pomažu da organizuješ vrijeme, gradiš navike prisustva nastavi, završiš prve zadatke i upoznaš osnove akademskog pisanja. Čitaj redoslijedom koji ti odgovara. Vрати se kad god ti nešto zatreba.

OSNOVE za dobar start:

- Organizuj svoje vrijeme
- Ne propuštaj nastavu
- Uradi prve zadatke na vrijeme
- Upoznaj akademski stil pisanja
- Popuni indeks na vrijeme



Tip za brucoše: na početku sedmice označi tri najvažnije obaveze, rezerviši termine u kalendaru i dodaj kratke podsjetnike.



Klikni **OVDJE** za povratak na **SADRŽAJ VODIČA**.



SAVJET#1:

ORGANIZUJ VRIJEME

Prvi mjesec je najbolji trenutak da počneš graditi navike učenja i planiranja. Ako od starta napraviš raspored, lakše ćeš pratiti predavanja i zadatke bez stresa i gomilanja obaveza tokom studija.

KAKO započeti:

- Na početku sedmice zapiši sve obaveze (predavanja, vježbe, zadatke, termine konsultacija)
- Podijeli učenje u manje blokove (45–60 minuta) sa kratkim pauzama za odmor
- U kalendar dodaj i slobodno vrijeme, druženje i odmor
- Na kraju svake sedmice provjeri da li si uradio ono što si planirao i prilagodi raspored za narednu



Tip: koristi digitalni planer (*Google Calendar, Notion, Todoist*) ili običnu bilježnicu jer ti može pomoći da vidiš obaveze na jednom mjestu.



Klikni **OVDJE** za povratak na **SADRŽAJ VODIČA**.


SAVJET#2:

REDOVNO PRISUSTVO

Prisustvo na nastavi i vježbama jedna je od najvažnijih navika koju trebaš izgraditi u prvom mjesecu. Kada si tu, učiš direktno od nastavnika, imaš priliku da postavljaš pitanja i gradiš odnos sa kolegama.

ZAŠTO je redovno prisustvo važno:

- Na predavanjima dobijaš pregled ključnih tema, koncepta i objašnjenja iz prve ruke.
- Na vježbama u manjim grupama imaš priliku za diskusiju, dodatna pojašnjenja i praktične primjere.
- Lakše gradiš kontinuitet u učenju i manje se suočavaš s gomilanjem gradiva tokom semestra.
- Razvijaš radne navike koje će ti značiti i kasnije u karijeri.



Tip za brucoše: Čak i ako misliš da gradivo možeš nadoknaditi, prisustvo donosi energiju grupe, razgovore i objašnjenja.



Klikni **OVDJE** za povratak na **SADRŽAJ VODIČA**.

SAVJET#3:


PRVI ZADACI

Prvi mjesec donosi i prve zadatke. Oni nisu tu da te optereće, nego da ti pomognu da primijeniš ono što učiš i da se navikneš na akademski rad. Ako ih obaviš na vrijeme, bit će ti mnogo lakše kasnije u toku semestra.

ZAŠTO je važno uraditi prve zadatke:

- Pokazuješ da si odgovoran i aktivan student koji ispunjava obaveze.
- Manji zadaci pomažu ti da shvatiš akademski stil i način rada.
- Redovnim izvršavanjem izbjegavaš gomilanje obaveza pred ispite.
- Dobijaš priliku za povratne komentare i učenje na greškama.

☒	_____	☒	_____
☒	_____		



Tip za brucoše: tretiraj svaki zadatak kao trening - što više vježbaš, to će ti polaganje kolokvija i ispita biti lakše.



Klikni **OVDJE** za povratak na **SADRŽAJ VODIČA**.

SAVJET #4:

AKADEMSKI STIL

Na fakultetu ćeš se susretati sa zadacima, esejima i seminarskim radovima koji se razlikuju od pisanja u srednjoj školi. Akademski stil ti pomaže da jasno, precizno i argumentovano predstaviš svoje ideje.

KAKO savladaš akademski stil:

- Prouči upute koje daju profesori za pisane radove.
- Koristi silabuse i preporučenu literaturu kao vodič.
- Vježbaj pisanje kraćih tekstova i traži povratne komentare.
- Nauči osnovne citatne stilove (npr. APA, Harvard, Chicago).


Author(s) Year Date Title (*in italics*) Format

↓ ↓ ↓ ↓ ↓

Moralee, N. (2019, March 30). *Laughter 'the best medicine'?* [Photograph].
Flickr. <https://www.flickr.com/photos/neilmoralee/33643977688>

↑ ↑ ↑

Indent 5-7 spaces Publisher URL



Tip za brucoše: Čitanje akademskih članaka i knjiga pomaže da razumiješ stil i strukturu a to je najbolji način da ga prirodno usvojiš.




Klikni **OVDJE** za povratak na **SADRŽAJ VODIČA**.

SAVJET #5:

POPUNI INDEKS


Indeks je tvoja lična akademska knjižica i službeni dokument koji prati tvoje studiranje. U njega se upisuju svi predmeti, ispiti i ocjene, a koristi se tokom cijelog studija.



ŠTA treba upisati:

- Naziv predmeta
- Broj sati predavanja i vježbi
- Broj ECTS bodova
- Podatke o profesoru

Ove informacije možeš pronaći u silabusima. Ako nisi siguran, obrati se studentskoj službi ili voditeljima odsjeka.



Tip za brucoše: Popuni indeks odmah na početku semestra kako bi izbjegao greške i kasnija kašnjenja.




Klikni **OVDJE** za povratak na **SADRŽAJ VODIČA**.

Tvoja prva godina: ŠTA TREBAŠ ZNATI

Prva godina je vrijeme kada se učiš kako funkcionira fakultetski život. To je period u kojem upoznaješ nove ljude, razvijaš akademske navike i gradiš svoje mjesto u zajednici. Nije važno da odmah znaš sve, ali je važno da budeš otvoren, redovan na nastavi i spreman da istražuješ.

OSNOVE za dobar start:

- Upamti ključne datume
- Koristi konsultacije sa profesorima i asistentima
- Ustanovi najučinkovitije metode učenja
- Pripremi se za kolokvije i ispite
- Informiši se o programima razmjene i pripremi prijavu
- Pridruži se studentskim asocijacijama
- Uključi se u sportske, kulturne i druge aktivnosti



Tip za brucoše: Prva godina je prilika za učenje i istraživanje, a svaki izazov donosi novo životno iskustvo.



Klikni **OVDJE** za povratak na **SADRŽAJ VODIČA**.

Akademski kalendar

VAŽNI DATUMI

Akademski godina ima svoj ritam. Ako na vrijeme upamtiš kada počinje i završava nastava, kao i ispitne rokove, bit će ti mnogo lakše da planiraš učenje i slobodno vrijeme.

ZIMSKI semestar:

Nastava:
01.10.2025 – 13.01.2026.
Ovjera zimskog i upis
ljetnog semestra:
14-16.01.2026.

LJETNI semestar:

Nastava:
23.02.2026 – 06.06.2026.
Ovjera zimskog i upis
ljetnog semestra:
08-12.06.2026.

ISPITNI TERMINI:

Januarsko-februarski rok

Redovni: 19.01 – 03.02.2026.

Popravni: 05 – 21.02.2026.

Aprilski: 01 – 16.04.2026.

Junsko-julski rok


Redovni: 15 – 30.06.2026.

Popravni: 01 – 18.07.2026. (osim 11.07)

Septembarski rok

Redovni: 17.08 – 02.09.2026.

Popravni: 04 – 19.09.2026.



Tip za bruce: Označi ove datume u svom digitalnom kalendaru i uključi podsjetnike kako bi izbjegao stres i kašnjenja.



Klikni **OVDJE** za povratak
na **SADRŽAJ VODIČA**.


Značaj konsultacija

AKADEMSKA PODRŠKA

Konsultacije su prilika da razgovaraš sa profesorima i asistentima izvan predavanja. Tu možeš razjasniti nejasnoće, postaviti pitanja i dobiti savjet kako da bolje savladaš gradivo. Terminu su objavljeni na web stranici, najavljeni na predavanjima i istaknuti na vratima ureda.

ZAŠTO ih koristiti:

- Daješ sebi šansu da dobiješ dodatna objašnjenja gradiva.
- Možeš pitati za smjernice kod seminarskih i pisanih radova.
- Dobijaš pojašnjenja za greške u zadacima ili na ispitima.
- Gradiš dobar akademski odnos sa nastavnicima i asistentima.



Tip za brucoše: Konsultacije nisu samo za rješavanje problema, već i prilika da tražiš literaturu i savjete za dalji razvoj.



Klikni **OVDJE** za povratak na **SADRŽAJ VODIČA**.



Metode učenja

PRONAĐI SVOJ STIL

Prva godina je idealno vrijeme da otkriješ kako ti najbolje učiš. Nema univerzalnog recepta – ono što odgovara tvom kolegi možda neće odgovarati tebi. Važno je da eksperimentišes i pronađeš metode koje ti pomažu da zapamtiš gradivo i spremiš se za ispite.

NAJČEŠĆE metode učenja:

- **Aktivno čitanje:** podvlači ključne pojmove i pravi kratke bilješke.
- **Mapa uma:** vizuelno poveži pojmove, teorije i primjere.
- **Učenje kroz objašnjavanje:** pokušaj da gradivo objasniš nekome drugim riječima.
- **Flash kartice:** korisne za pojmove, definicije i teorije.
- **Grupno učenje:** diskusija sa kolegama pomaže da sagledaš temu iz više uglova.



Tip za brucoše: Nemoj učiti samo pred ispit – redovno učenje u manjim koracima je najefikasnije i smanjuje stres.



Klikni **OVDJE** za povratak na **SADRŽAJ VODIČA**.



Kolokviji i ispiti

UČI NA VRIJEME

Kolokviji i ispiti su važan dio akademske godine, ali ne moraju biti stresni ako se pripremaš na vrijeme. Prvi ispitni rokovi ti pomažu da naučiš kako izgleda polaganje i da razviješ svoj stil učenja. Zato iskoristi prve rokove kao priliku za učenje.

KAKO se pripremiti:

- pregledaj silabus i označi teme koje su obavezne za kolokvij/ispit
- napravi plan učenja: svaki dan po malo, a ne sve odjednom
- koristi bilješke sa predavanja i vježbi, zajedno sa literaturom
- rješavaj primjere pitanja ili zadatke iz prethodnih rokova ako su dostupni
- organizuj grupno učenje i testiraj se međusobno sa kolegama



Tip za brucoše: Tretiraj kolokvije kao trening, ako ih položiš uspješno, završni ispit će biti mnogo lakši.



Klikni **OVDJE** za povratak na **SADRŽAJ VODIČA**.


Programi razmjene

INFORMIŠI SE

Programi razmjene omogućavaju ti da jedan semestar ili godinu provedeš na univerzitetu u inostranstvu, stekneš nova znanja i poznanstva, te obogatiš svoje iskustvo studiranja.

KAKO se pripremiti:

- Prati web stranicu Univerziteta i Filozofskog fakulteta (sekcija međunarodna saradnja, stipendije i društvene mreže).
- Informiši se o programima (Erasmus+, bilateralni sporazumi) i provjeri uslove (prosjek ocjena, nivo jezika, akademska oblast).
- Počni na vrijeme pripremati dokumente (CV, motivaciono pismo, preporuke) i savjetuj se sa studentima koji već imaju iskustva.



Tip za brucoše: Prvu godinu iskoristi da istražiš opcije i poboljšaš znanje jezika jer prijave obično počinju već od druge godine.




Klikni **OVDJE** za povratak na **SADRŽAJ VODIČA**.

Studentske asocijacije PRIDRUŽI SE

Fakultet nije samo učenje i ispiti, to je i zajednica u kojoj se gradiš kao osoba. Studentske asocijacije su najbolji način da upoznaš kolege iz različitih odsjeka, uključiš se u aktivnosti i razviješ vještine koje ti trebaju i izvan učionice. Posjeti Studentsko Vijeće Filozofskog fakulteta koje okuplja sve studente našeg fakulteta.

ZAŠTO se priključiti:

- Upoznaješ nove ljude i širiš krug svojih prijatelja.
- Učiš kako funkcionira timski rad i vođenje projekata.
- Dobijaš priliku da učestvuješ u organizaciji događaja, radionica i humanitarnih akcija.
- Gradiš iskustvo koje kasnije možeš upisati u svoj CV.



Tip za brucoše: Uključi se već u prvoj godini, važno je da budeš aktivan i stičeš iskustvo tokom studija.



Klikni **OVDJE** za povratak na **SADRŽAJ VODIČA**.



Hobi i lični razvoj

SPORTSKE AKTIVNOSTI

Studiranje nije samo knjiga i učenje, to je i vrijeme da se razvijaš kroz sport, umjetnost i kulturu. Aktivnosti izvan učionice pomažu ti da ostaneš motivisan, zdrav i povezan s drugim studentima. Centar za sport, kulturu i umjetnost Univerziteta u Tuzli nudi ti brojne sportske i kulturne aktivnosti.

GDJE se možeš priključiti:

- Univerzitetsko sportsko društvo
- Univerzitetski košarkaški klub Student
- Centar za ples i rekreaciju Tuzla
- UKUD „Zvonko Cerić”



Tip: već u prvim sedmicama raspitaj se o terminima u Centru i probaj različite aktivnosti – možda otkriješ novi hobi ili talenat.



Klikni **OVDJE** za povratak na **SADRŽAJ VODIČA**.


Centar za ples i rekreaciju

PLESOM DO ZDRAVLJA

U Domu mladih nalazi se Centar za ples i rekreaciju Tuzla (CPR): mjesto koje promovise zdrav i aktivan život kroz ples i rekreaciju. Moderni prostori, topla atmosfera i raznovrsni programi privlače ljude svih generacija. Zašto ga posjetiti: unapređuješ kondiciju i zdravlje, stičeš nova prijateljstva i učestvuješ u kreativnim radionicama.

ŠTA nudi CSR:

- unapređuješ kondiciju i zdravlje
- stičeš nove prijatelje i iskustva
- učestvuješ u radionicama i projektima koji promovišu kreativnost i zajedništvo



Tip za brucoše: Iskoristi priliku da probaš novi ples ili rekreativni program - odličan način da ostaneš aktivan i uključen u studentski život.



Klikni **OVDJE** za povratak na **SADRŽAJ VODIČA**.



Prvi mjesec besplatno

PLESNI KUTAK

Studentske obaveze i ispiti često donose stres i umor. Zato je Centar za ples i rekreaciju Tuzla pravo mjesto da se opustiš, razbistriš misli te napuniš energiju kroz rekreaciju.

GDJE se možeš priključiti:

- prvi mjesec treniranja za studente je potpuno besplatan
- prilika da napraviš pauzu od učenja i odmoriš se od stresa
- upoznaješ nove ljude u opuštenoj i pozitivnoj atmosferi
- biraš između različitih plesnih i rekreativnih programa



Tip: Iskoristi ove pogodnost u prvim sedmicama i možda otkriješ hobi koji donosi balans između učenja i slobodnog vremena.



Klikni **OVDJE** za povratak na **SADRŽAJ VODIČA**.

Tvoj izvor znanja

BIBLIOTEKA

Biblioteka Filozofskog fakulteta je tvoj glavni resurs za knjige, časopise i istraživački rad. Raspolaže sa više od 50.000 knjiga i časopisa, uključujući diplomske, magistarske i doktorske radove studenata našeg fakulteta.

ŠTA nudi biblioteka:

- čitaonicu za rad i učenje
- računare s pristupom internetu i bazama podataka
- sav fond registrovan u COBISS sistemu, koji možeš pretraživati i od kuće putem interneta


PRAKTIČNE INFORMACIJE

Radno vrijeme:

radnim danima od 8:00 do 16:00

Kontakt:

*Ilijana Gavran Radojević
ilijana.g.radojevic@untz.ba*



Tip za brucoše: U prvoj sedmici nauči kako pretraživati COBISS jer će ti to uštedjeti vrijeme kada tražiš knjige i pripremaš radove.



Klikni **OVDJE** za povratak na **SADRŽAJ VODIČA**.

Studentska služba: TVOJA PODRŠKA

Studentska služba je mjesto gdje rješavaš sve važne administrativne poslove tokom studija – od upisa i ovjera semestara do potvrda i dokumentacije. Naše osoblje pomoći će ti da brzo i lako dobiješ sve potrebne dokumente.

VAŽNE informacije

Radno vrijeme:

Ponedjeljak – petak: 11:00 – 13:00

Osoblje:

Ifeta Rožnjaković, viši referent

(ifeta.roznjakovic@untz.ba)

Melisa Kunosić, referent


(melisa.kunosic@untz.ba)

Meliha Mandžo, referent

(meliha.mandzo@untz.ba)

Kontakt:

+387 (0)35 306 365



Tip za brucoše: Uvijek provjeri web stranicu fakulteta ili oglasnu ploču za aktuelne obavijesti prije nego što dođeš u službu.



Klikni **OVDJE** za povratak
na **SADRŽAJ VODIČA**.

Etički kodeks

PRAVA I DUŽNOSTI

Kao student Filozofskog fakulteta u Tuzli postaješ dio akademske zajednice. To znači da uživaš određena zagarantovana prava, ali i da preuzimaš pojedine odgovornosti.

Tvoja prava:

- učestvuješ u nastavi i istraživanju
- slobodno iznosiš mišljenja i učestvuješ u raspravama
- budeš zaštićen od bilo kakve diskriminacije i nasilja
- budeš objektivno ocjenjen
- osnivaš i biraš studentske organizacije

Tvoje odgovornosti:

- poštuju akademski integritet
- poštuju kolege, nastavnike i osoblje
- ne ometaj nastavu i istraživanja
- ne koristi nedozvoljene materijale i računarske aplikacije
- čuvaj prostorije i imovinu fakulteta




Klikni **OVDJE** za povratak
na **SADRŽAJ VODIČA**.

OTKRIJ GRAD IZ STUDENTSKE PERSPEKTIVE

Prva godina donosi ti mnogo više od predavanja i ispita: to je prilika da pronađeš vlastiti ritam života, istražiš nova iskustva i uključiš se u zajednicu. Tuzla nudi različite načine da obogatiš svoj studentski život i povežeš se s gradom i ljudima oko sebe.

Naše preporuke:

- Događaji u oktobru: koncerti, predstave i filmski festival na kojima vrijedi biti.
- Istraži Tuzlu: mjesta, parkovi i kulturne ustanove koje treba posjetiti.
- Volontiranje i NVO: prilike da se uključiš, upoznaš ljude i stekneš dragocijeno iskustvo.
- Stipendije i podrška: mogućnosti finansijske pomoći i međunarodne razmjene i mobilnosti.



Tip za brucoše: Ne ograničavaj se samo na fakultet nego probaj različite aktivnosti i otkrij gdje se osjećaš najbolje.



Klikni **OVDJE** za povratak na **SADRŽAJ VODIČA**.


Oktober

DOGAĐAJI U TUZLI

Oktober je poseban mjesec za brucoše: počinje tvoja akademska avantura, ali i sezona događaja na Univerzitetu i širom Tuzle. Na jednom mjestu okupljamo sve što ti može obogatiti prve sedmice studija.

Naše preporuke:

- **Koncert Sarajevske filharmonije**
Bosanski kulturni centar TK
9. oktobar 2025. u 20:00
- **Predstava „Đurologija“**
BKC Tuzla
10. oktobar 2025. u 20:00
- **27. Međunarodni festival dokumentarnog filma**
Narodno pozorište Tuzla
Početak: 15. oktobar 2025.
- **14. Tuzla Film Festival**
Narodno pozorište Tuzla
Početak: 15. oktobar 2025.



Tip za brucoše: Iskoristi priliku da pratiš univerzitetske i gradske događaje, poveži se i otkrij Tuzlu.




Klikni **OVDJE** za povratak na **SADRŽAJ VODIČA**.

ISTRAŽI TUZLU

Studiranje je i prilika da upoznaš grad u kojem živiš. Tuzla je studentski grad sa bogatom kulturnom i društvenom scenom.

Naše preporuke:

- **Panonska jezera:** šetnja, druženje, odmor i fotografisanje
- **Solni trg:** gradski centar pun kafića i energije
- **Gradski park Tuzla:** mirna oaza za čitanje i odmor
- **Arheološki park:** otkrij ruševine i nauči o prošlosti regije
- **Šarena džamija (Atik džamija):** simbol tradicije i prepoznatljive arhitekture
- **Hadži Hasan-ova (Čaršijska) džamija:** najstarija džamija u Tuzli
- **Saborni hram Uspenja Presvete Bogorodice:** neoklasicistička pravoslavna crkva sa pet kupola



Tip za brucoše: Prva godina je pravo vrijeme da otkriješ grad i stvoriš uspomene koje ćeš pamti cijeli život.




Klikni **OVDJE** za povratak na **SADRŽAJ VODIČA**.

ISTRAŽI TUZLU

Studiranje je i prilika da upoznaš grad u kojem živiš. Tuzla je studentski grad sa bogatom kulturnom i društvenom scenom.

Naše preporuke:

- **Spomenik Kapela Gospe Lipničke:** nacionalni spomenik iz 17. stoljeća
- **Narodno pozorište Tuzla:** osjeti pozorišnu čaroliju
- **Bosanski kulturni centar:** koncerti, pozorište, izložbe
- **Atelje „Ismet Mujezinović“:** kuća i radionica jednog od najznačajnijih bh. umjetnika,
- **Međunarodna galerija portreta Tuzla:** čuva više od 5000 umjetničkih djela i domaćin je prestižnog festivala INTERBIFEP
- **Muzej istočne Bosne:** sa više od 30.000 eksponata, svjedoči o kulturno-historijskoj baštini staroj i do 7.000 godina



Tip za brucoše: Prva godina je pravo vrijeme da otkriješ grad i stvoriš uspomene koje ćeš pamti cijeli život.




Klikni **OVDJE** za povratak na **SADRŽAJ VODIČA**.

ISTRAŽI TUZLU

Studiranje je i prilika da upoznaš grad u kojem živiš. Tuzla je studentski grad sa bogatom kulturnom i društvenom scenom.

Naše preporuke:

- **Memorijalni centar Kapija:** dokumentacioni centar posvećen žrtvama zločina 25. maja 1995. godine
- **Spomenik Suza:** memorijalni spomenik žrtvama Holokausta i nacističkog terora
- **Husinski rudar:** monumentalni spomenik visok 8 metara, simbol radničke borbe
- **Most s kipovima:** arhitektonsko i umjetničko djelo iz 1935. godine, ukrašen skulpturama kipara Franje Ledera, simbol kulturnog nasljeđa Tuzle.
- **Bingo Zoo Tuzla:** opušteno mjesto za vikend druženja.
- **Konjički klub Vranac:** iskustvo jahanja i bliskosti sa životinjama



Tip za brucoše: Prva godina je pravo vrijeme da otkriješ grad i stvoriš uspomene koje ćeš pamtit i cijeli život.



Klikni **OVDJE** za povratak na **SADRŽAJ VODIČA**.


Nevladine organizacije

VOLONITIRANJE

Studiranje je više od predavanja. Aktivno učešće u nevladinim organizacijama i volonterskim aktivnostima pruža ti priliku da stekneš iskustvo, upoznaš ljude i doprineseš zajednici u kojoj živiš.

NGO & volontiranje:

- **Tuzlanska Amica:** podrška djeci i porodicama iz ranjivih kategorija
- **Udruženje TK Fenix:** rad s osobama u duševnoj nevolji, grupe za samopomoć
- **RE-SET:** edukacija i profesionalno osposobljavanje građana
- **Centar civilnih inicijativa Tuzla:** jačanje demokratije, zaštita ljudskih prava i građanski angažman
- **Forum građana Tuzle:** društveno-kulturni i građanski projekti
- **Omladinski resursni centar Tuzla:** radionice, omladinske škole, putovanja



Tip za bruceše: Prati njihove Facebook i web stranice, jer često organizuju kampove i volonterske akcije.



Klikni OVDJE za povratak na SADRŽAJ VODIČA.


Podrška studentima

STIPENDIJE

Studiranje otvara vrata ne samo znanju nego i različitim prilikama za podršku i međunarodno iskustvo. Uz to, Univerzitet u Tuzli nudi mogućnost odlaska na međunarodne programe razmjene i mobilnosti.

Neki od izvora podrške:

- **Fond „Prometej”**: Fondacija tuzlanske zajednice Stipendije za studente od druge godine
- **Univerzitet u Tuzli** (Erasmus+, Mevlana, CEEPUS): prilike za međunarodne razmjene i mobilnost.
- **Ministarstvo za boračka pitanja TK i Ministarstvo obrazovanja i nauke TK**: stipendije za studente boračke populacije te za uspješne i aktivne studente (slične stipendije nude i ministarstva drugih kantona).



Tip za brucoše: Već sada informiši se o stipendijama i razmjenama, kako bi bio spreman da apliciraš čim ispuniš uslove.



Klikni **OVDJE** za povratak na **SADRŽAJ VODIČA**.

Kontakti

Adresa

Filozofski fakultet u Tuzli
Dr. Tihomila Markovića br. 1
75 000 Tuzla, Bosna i Hercegovina

Telefoni


Glavna centrala: 035 306 330
Studentska služba: 035 306 365
Dekanat: 035 306 331
Prodekani za nastavu i studentska pitanja: 035 306 368
Prodekan za naučno-istraživački rad: 035 306 366
Sekretar fakulteta: 035 306 335

Email kontakti

Studentska služba: ifeta.roznjakovic@untz.ba
Dekanat: dekan.ff@untz.ba
Prodekani za nastavu i studentska pitanja:
prodekan.nd.ff@untz.ba, prodekan.nh.ff@untz.ba
Prodekan za naučno-istraživački rad: prodekan.nir.ff@untz.ba
Sekretar fakulteta: selma.sprecic@untz.ba

Web i društvene mreže

Web stranica: <http://www.ff.untz.ba/>



Tip za brucoše: Za brze informacije prvo pogledaj web i društvene mreže Fakulteta jer ćeš tu naći najnovija obavještenja.



Klikni **OVDJE** za povratak na **SADRŽAJ VODIČA**.